



ՆԱՅԱՍՏԱՆԻ ՆԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱԶ

ՆՐԱՄԱՆ № 70-Լ

«22» 08 2023 թ.

ք. Երևան

ԸՆՏՐԱԿԱՆ ԻՐԱՎԱԽԱԽՏՈՒՄՆԵՐԻ ՎԵՐԱԲԵՐՅԱԼ ՀԱՂՈՐԴՈՒՄՆԵՐԻ ՀԱՇՎԱՌՄԱՆ, ԴՐԱՆՔ ՏԱՐԱԾՔԱՅԻՆ ԵՎ ՔՆՆՉԱԿԱՆ ԵՆԹԱԿԱՅՈՒԹՅԱՄԲ ՈՒՂԱՐԿԵԼՈՒ, ԻՆՉՊԵՍ ՆԱԵՎ ԸՆԹԱՑՔԸ ԼՈՒԾԵԼՈՒ ՀԱՐՑՈՒՄ ՀՀ ԳԼԽԱՎՈՐ ԴԱՏԱԽԱՂՈՒԹՅԱՆ ԱՇԽԱՏԱՆՔԱՅԻՆ ԽՄԲԻ ՈՒ ԴԱՏԱԽԱՂՈՒԹՅԱՆ ԿԱՌՈՒՑՎԱԾՔԱՅԻՆ ԱՏՈՐԱԲԺԱՆՈՒՄՆԵՐԻ ՄԻՋԵՎ ԱՇԽԱՏԱՆՔԻ ԿԱԶՄԱԿԵՐՊՄԱՆ ՎԵՐԱԲԵՐՅԱԼ ՈՒՂԵՑՈՒՅՑԸ, ԵՐԵՎԱՆ ՔԱՂԱՔԻ ՀԱՄԱՊԱՏԱՍԽԱՆ ՎԱՐՉԱԿԱՆ ՇՐՋԱՆՆԵՐԸ ՍՊԱՍԱՐԿՈՂ ԴԱՏԱԽԱՂՆԵՐԻ ՑԱՆԿԸ, ԻՆՉՊԵՍ ՆԱԵՎ ՎԱՐՉԱԿԱՆ ՇՐՋԱՆՆԵՐՈՒՄ ԱՌԵՐԵՎՈՒՅԹ ԸՆՏՐԱԿԱՆ ԻՐԱՎԱԽԱԽՏՈՒՄՆԵՐԻ ՎԵՐԱԲԵՐՅԱԼ ՀԱՂՈՐԴՈՒՄՆԵՐԻ ՄԱՍԻՆ ՏԵՂԵԿԱՏՎՈՒԹՅՈՒՆ ՏՐԱՄԱԴՐԵԼՈՒ ՏԵՂԵԿԱՆՔԻ ՁԵՎԸ ՀԱՍՏԱՏԵԼՈՒ ՄԱՍԻՆ

2023 թվականի սեպտեմբերի 17-ին կայանալիք Երևան քաղաքի ավագանու ընտրությունների նախապատրաստման, անցկացման ընթացքում, ինչպես նաև ընտրություններից հետո ընտրական գործընթացին վերաբերող առերևույթ հանցանքների (ՀՀ քրեական օրենսգրքի 210-224-րդ և 231-237-րդ հոդվածներ) մասին դիմումների, բողոքների, հաղորդումների, ինչպես նաև ՋԼՄ-ներով կամ սոցիալական ցանցերով արված հրապարակումների և ՀՀ գլխավոր դատախազության թեժ գծով ստացված ահազանգերը (այսուհետ՝ ընտրական իրավախախտումների վերաբերյալ հաղորդումներ) գրանցելու, հաշվառելու, ուսումնասիրելու, ստուգելու, ըստ ենթակայության ուղարկելու, քննարկման և դրանց հիման վրա նախաձեռնված քրեական վարույթների նախաքննության նկատմամբ դատախազական հսկողության արդյունավետությունը բարձրացնելու և այդ ոլորտում

Հայաստանի Հանրապետության դատախազության գործունեությունը համակարգելու նպատակով, ղեկավարվելով «Դատախազության մասին» Հայաստանի Հանրապետության օրենքի 9-րդ հոդվածի 2-րդ մասի 7-րդ և 11-րդ կետերով, 30-րդ հոդվածի 3-րդ մասով՝

Հ ր ա մ ա յ ու մ ե մ՝

1. Հաստատել ընտրական իրավախախտումների վերաբերյալ հաղորդումների հաշվառման, տարածքային և քննչական ենթակայությամբ ուղարկելու, ինչպես նաև ընթացքը լուծելու հարցում ՀՀ գլխավոր դատախազության աշխատանքային խմբի ու դատախազության կառուցվածքային ստորաբաժանումների միջև աշխատանքի կազմակերպման վերաբերյալ ուղեցույցը՝ համաձայն Հավելված 1-ի:

2. Հաստատել Երևան քաղաքի համապատասխան վարչական շրջանները սպասարկող դատախազների ցանկը՝ համաձայն Հավելված 2-ի:

3. Հաստատել առերևույթ ընտրական իրավախախտումների վերաբերյալ հաղորդումների ընթացքի մասին տեղեկանքի ձևը՝ համաձայն Հավելված 3-ի:

4. Աշխատանքային խմբի ղեկավար Ե. Ավագյանին՝

ՀՀ գլխավոր դատախազի՝ 2023 թվականի օգոստոսի 10-ի N 68-Լ հրամանով և սույն հրամանի Հավելված 1-ով սահմանված լիազորություններն իրականացնել ՀՀ հակակոռուպցիոն կոմիտեի քննչական ենթակայությանը վերապահված առերևույթ հանցանքների առնչությամբ ստացված հաղորդումների վերաբերյալ:

5. Աշխատանքային խմբի ղեկավար Լ. Գրիգորյանին՝

ՀՀ գլխավոր դատախազի՝ 2023 թվականի օգոստոսի 10-ի N 68-Լ հրամանով և սույն հրամանի Հավելված 1-ով սահմանված լիազորություններն իրականացնել ՀՀ քննչական կոմիտեի քննչական ենթակայությանը վերապահված առերևույթ հանցանքների առնչությամբ ստացված հաղորդումների վերաբերյալ:

6. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին, Հայաստանի Հանրապետության գլխավոր դատախազության ավագ դատախազին և դատախազին, Հայաստանի Հանրապետության զինվորական

կենտրոնական դատախազության բաժինների պետերին ու ավագ դատախազներին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության դատախազության գլխավոր քարտուղարին, Հայաստանի Հանրապետության գլխավոր դատախազի խորհրդականներին ու օգնականներին:



Ա. ՎԱՐԴԱՊԵՏՅԱՆ

ՀՀ գլխավոր դատախազի 2023 թվականի
օգոստոսի «22»-ի N 701 հրամանի

ՈՒՂԵՑՈՒՅՑ

Ընտրական իրավախախտումների վերաբերյալ հաղորդումների հաշվառման, դրանք տարածքային և քննչական ենթակայությամբ ուղարկելու, ինչպես նաև ընթացքը լուծելու հարցում ՀՀ գլխավոր դատախազության աշխատանքային խմբի ու դատախազության կառուցվածքային ստորաբաժանումների միջև աշխատանքի կազմակերպման վերաբերյալ

1. Ընտրական իրավախախտումների վերաբերյալ հաղորդումները և դրանք ՀՀ քրեական դատավարության օրենսգրքով սահմանված տարածքային ու քննչական ենթակայության կանոններին համապատասխան՝ ՀՀ հակակոռուպցիոն կոմիտե և ՀՀ քննչական կոմիտե, ինչպես նաև ՀՀ ներքին գործերի նախարարության ոստիկանություն (այսուհետ՝ ոստիկանություն) ուղարկելն իրականացնում է միայն ՀՀ գլխավոր դատախազությունում ստեղծված աշխատանքային խումբը՝ դատախազության ստորաբաժանումների միջոցով:

2. Երևան քաղաքի ավագանու ընտրությունների նախապատրաստման և անցկացման ընթացքում ընտրական գործընթացին խոչընդոտող առերևույթ հանցանքների մասին հաղորդումները մուտքագրվում են «Mulberry» էլեկտրոնային փաստաթղթաշրջանառության համակարգ և **մակագրության ուղարկվում աշխատանքային խմբի ղեկավարներին՝ համաձայն ՀՀ գլխավոր դատախազի կողմից հանձնարարված ոլորտի:**

3. Աշխատանքային խմբում ուսումնասիրվելուց հետո այն հաղորդումները, որոնք տարածքային կամ քննչական ենթակայությամբ պետք է ուղարկվեն դատախազության տարածքային մարմիններ կամ ՀՀ հակակոռուպցիոն կոմիտե, աշխատանքային խմբի ղեկավարի կամ նրա հանձնարարությամբ՝ ՀՀ գլխավոր դատախազության մարդու դեմ ուղղված հանցագործությունների գործերով վարչության պետի կամ ՀՀ գլխավոր դատախազության ՀՀ հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության պետի կողմից մակագրվում են աշխատանքային խմբի համապատասխան անդամին՝ տեղեկացնելով նաև աշխատանքային խմբի քարտուղարին, ով հաղորդման վրա դնում է «ԸՆՏՐՈՒԹՅՈՒՆՆԵՐ» դրոշմակնիքը և իրականացնում հաղորդումների հաշվառում:

Այն դեպքում, երբ ներկայացված հաղորդումը պատշաճ չէ, այսինքն՝ դրանով չի փաստվում այնպիսի դեպք կամ գործողություն կամ անգործություն, որին ողջամտորեն կարող է տրվել ՀՀ քրեական օրենսգրքով նախատեսված որևէ արարքին համապատասխանելու նախնական իրավական գնահատական և չի բովանդակում նույնիսկ ստուգման ենթակա տվյալներ կամ բացահայտված չէ անձի առնչությունը հանցանքին կամ նրա իրազեկության աղբյուրը, ներկայացված դիմումը, բողոքը, հաղորդումը չի վերահասցեագրվում իրավասու քննչական մարմնի ղեկավարին՝ քրեական վարույթ նախաձեռնելու հարցը լուծելու համար՝ այդ մասին գրավոր պարզաբանելով հաղորդում ներկայացնողին:

4. Աշխատանքային խմբի անդամը, ստանալով հաղորդումը, նախապատրաստում է գրություն՝ հասցեագրված Երևան քաղաքի դատախազին կամ ՀՀ հակակոռուպցիոն կոմիտե: Երևան քաղաքի դատախազի կողմից գրությունը մակագրվում է համապատասխան վարչական շրջանը սպասարկող դատախազներին՝ «Հանձնարարել կատարել ստուգողական գործողություններ», «Հանձնարարել ստուգել «Օպերատիվ-հետախուզական գործունեության մասին» օրենքով սահմանված կարգով», «Քրեական վարույթ նախաձեռնելու հարցը լուծելու նպատակով վերահասցեագրել իրավասու քննչական մարմնի ղեկավարին» կամ այլ կոնկրետ հանձնարարությամբ (տարածքների բաժանումը տե՛ս Հավելված 2-ում)՝ հաղորդումը տվյալ վարչական շրջանի դատախազություն ուղարկելու նպատակով: ՀՀ հակակոռուպցիոն կոմիտեի քննչական ենթակայությանը վերապահված ընտրական իրավախախտումների վերաբերյալ հաղորդումները ուղարկվում են ՀՀ հակակոռուպցիոն կոմիտե՝ «Օպերատիվ-հետախուզական գործունեության մասին» օրենքով սահմանված կարգով ստուգելու, քրեական վարույթ նախաձեռնելու կամ այլ կոնկրետ հանձնարարությամբ կամ ուղարկվում են ոստիկանություն՝ ստուգողական գործողություններ կատարելու նպատակով:

5. Աշխատանքային խմբի անդամը Երևան քաղաքի դատախազություն, ՀՀ հակակոռուպցիոն կոմիտե կամ ոստիկանություն հասցեագրված գրության և կից հաղորդումների թղթային տարբերակը, առկայության դեպքում նաև էլեկտրոնային կրիչները հանձնում է աշխատանքային խմբի քարտուղարին, վերջինս էլ իր հերթին ՀՀ դատախազության ընդհանուր բաժնի պետին՝ սահմանված կարգով հասցեատիրոջն առաքելու նպատակով:

6. Երևան քաղաքի վարչական շրջանները սպասարկող աշխատանքային խմբի անդամը, Երևան քաղաքի դատախազի կողմից արված մակագրությանը համապատասխան, գրությունը և կից հաղորդումները ուղարկում է Երևան քաղաքի համապատասխան վարչական շրջանի դատախազություն:

7. Աշխատանքային խմբի անդամը յուրաքանչյուր հաղորդման վերաբերյալ տեղեկատվությունը՝ «Հաղորդման բովանդակություն», «Աղբյուր», «Գործողություն» և «Ընթացք» ձևաչափով ներմուծում է համապատասխան տեղեկանքում (տեղեկանքի ձևը տե՛ս Հավելված 3-ում), իսկ տեղեկանքը անմիջապես ուղարկում աշխատանքային խմբի ղեկավարի կողմից լիազորված խմբի անդամին:

Վերը նշված գործողությունները կատարվում են ՀՀ դատախազության ընդհանուր բաժնի և հանրային կապերի բաժնի կողմից աշխատանքային խմբին հանձնված յուրաքանչյուր հաղորդման հետ կապված:

8. Ֆիզիկական և իրավաբանական անձանց կողմից ՀՀ դատախազության, քննչական կոմիտեի կամ ոստիկանության Երևան քաղաքի համապատասխան տարածքային ստորաբաժանում կամ ՀՀ հակակոռուպցիոն կոմիտե ընտրությունների նախապատրաստման և անցկացման ընթացքում ընտրական գործընթացին խոչընդոտող առերևույթ հանցանքների մասին հաղորդում ներկայացնելու դեպքում, համապատասխանաբար Երևան քաղաքի կամ Երևան քաղաքի համապատասխան վարչական շրջանի դատախազը կամ ՀՀ գլխավոր դատախազության ՀՀ հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության պետն այդ մասին սույն հրամանի Հավելված 3-ով սահմանված տեղեկանքի ձևով տեղեկացնում է աշխատանքային խմբի համապատասխան ղեկավարին, ով այն ուղարկում է աշխատանքային խմբի անդամին՝ միասնական հաշվառում կատարելու նպատակով:

9. Հաղորդումները ստուգողական գործողություններ կատարելու կամ «Օպերատիվ-հետախուզական գործունեության մասին» օրենքով սահմանված կարգով ստուգելու նպատակով իրավասու մարմիններին ուղարկելիս գործում են հետևյալ կանոնները.

1) ՀՀ քրեական օրենսգրքի 210-224-րդ և 231-237-րդ հոդվածներով նախատեսված առերևույթ հանցանքների փաստերի վերաբերյալ ստացված հաղորդումներով ստուգողական գործողությունները կատարում է ոստիկանության համապատասխան տարածքային բաժինը:

2) ՀՀ քրեական օրենսգրքի 218-221-րդ և 231-232-րդ հոդվածներով նախատեսված առերևույթ հանցանքների փաստերի վերաբերյալ ստացված դիմումները, բողոքները և հաղորդումները «Օպերատիվ-հետախուզական գործունեության մասին» օրենքով սահմանված կարգով ստուգվում են ՀՀ հակակոռուպցիոն կոմիտեի իրավասու ստորաբաժանման կողմից, իսկ ՀՀ քրեական օրենսգրքի 210-217-րդ, 222-224-րդ և 233-237-րդ հոդվածներով նախատեսված առերևույթ հանցանքների փաստերի վերաբերյալ ստացված հաղորդումները՝ ոստիկանության համապատասխան ստորաբաժանման կողմից:

10. ՀՀ քրեական օրենսգրքի 210-217-րդ, 222-224-րդ և 233-237-րդ հոդվածներով նախատեսված առերևույթ հանցանքների փաստերի վերաբերյալ ստացված յուրաքանչյուր հաղորդման վերաբերյալ կազմված փաստաթղթերը՝ եզրակացություն, քրեական վարույթ նախաձեռնելու մասին արձանագրություն կամ քրեական վարույթ նախաձեռնելուց հրաժարվելու մասին գրություն, երեք աշխատանքային օրվա ընթացքում ուղարկվում են **Երևան քաղաքի դատախազին:**

12. Սույն ուղեցույցի 5-րդ կետը կիրառելիս անհրաժեշտ է նկատի ունենալ.

1) Եթե ընտրական գործընթացին խոչընդոտող առերևույթ հանցանքների վերաբերյալ հաղորդումը պարունակում է վերացական, ընդհանուր և անորոշ տեղեկատվություն, դրանում բացակայում են նույնականացման համար անհրաժեշտ տեղեկություններ, մասնավորապես՝ **անձանց շրջանակ կամ հանցագործության վայր կամ տեղամասային կենտրոնի համար, տեսագրություն, ձայնագրություն և այլն,** ապա բոլոր նման հաղորդումները Երևան քաղաքի

վարչական շրջանի դատախազի կողմից ուղարկվում են ոստիկանության համապատասխան տարածքային բաժիններ՝ դրանցով ստուգողական գործողություններ կատարելու նպատակով:

Այդպիսի պարտադիր գործողություններից են՝

- հրապարակման վերաբերյալ լրացուցիչ տեղեկատվություն ստանալու նպատակով հարցում տեղեկատվությունը հրապարակած ՁԼՄ-ին.

- եթե տեղեկատվությունը սոցիալական ցանցերում կամ այլ համացանցային կայքերում հրապարակել է ֆիզիկական անձը, ապա անձը հայտնի լինելու դեպքում վերջինիս հրավիրել ոստիկանության համապատասխան բաժին և հարցման ենթարկել հրապարակման մեջ նշված հանգամանքների վերաբերյալ.

- եթե հրապարակման մեջ նշված է անձանց որոշակի շրջանակ, ովքեր ականատես են եղել իրավախախտմանը կամ ունեն դրա վերաբերյալ տեղեկատվություն, հարցման ենթարկել այդ անձանց.

- կատարել յուրաքանչյուր հրապարակման բովանդակությունից բխող այլ ստուգողական գործողություններ:

Նշված գործողությունների կատարման արդյունքում հաղորդման մեջ նշված հանգամանքները չհիմնավորվելու կամ դրանց վերաբերյալ՝ քրեական վարույթ նախաձեռնելու հարցը լուծելու նպատակով քննչական մարմին վերահասցեագրելու համար անհրաժեշտ և բավարար տեղեկատվություն ձեռք չբերելու դեպքում հանձնարարվում է հաղորդումը եզրակացությամբ կցել կարգագրին:

2) Եթե հաղորդումն ի սկզբանե բովանդակում է հանցագործության վերաբերյալ բավարար տեղեկատվություն՝ **կոնկրետ անձանց շրջանակ, հանցագործության վայր, ժամ, տեղամասային կենտրոնի համար, իրավախախտի անուն, ազգանուն, կարգավիճակ, տեսագրություն, ծայնագրություն և այլն**, կամ այդպիսիք ձեռք են բերվել հաղորդման հիման վրա ձեռնարկված ստուգողական գործողությունների արդյունքում, ապա հաղորդումը քրեական վարույթ նախաձեռնելու հարցը լուծելու նպատակով անհապաղ վերահասցեագրվում է իրավասու քննչական մարմին:

3) Քրեական վարույթ նախաձեռնելուց հետո նախաքննության շրջանակներում անհրաժեշտ է ապահովել ամբողջ ծավալով գործի հանգամանքներից բխող ապացուցողական և վարույթային այլ գործողությունների կատարումը: Մասնավորապես՝

- հարցաքննել հանձնաժողովի անդամներին, վստահված անձանց, դիտորդներին, ՀՀ կենտրոնական ընտրական հանձնաժողովում հավատարմագրված, ընտրության և քվեարկության ընթացքը լուսաբանող ՁԼՄ-ների ներկայացուցիչներին, առերևույթ և ընտրական բնույթի հանցագործությանն ականատես ընտրողներին.

- զննել ընտրական փաստաթղթերը (ընտրողների ցուցակներ, տեղամասային ընտրական հանձնաժողովի գրանցամատյան և այլն) և այլ պարագաները, անհրաժեշտության դեպքում առգրավել դրանք.

- նախաքննության շրջանակներում անձին դատավարական կարգավիճակ տալու, նրա նկատմամբ դատավարական հարկադրանքի միջոցներ կիրառելու հարցերը քննարկել աշխատանքային խմբի անդամ, համապատասխան տարածքը սպասարկող դատախազի հետ:

Քվեարկության օրը ընտրական հանձնաժողովի անդամների հետ ապացուցողական և վարությանն այլ գործողություններ կատարել կամ ընտրական փաստաթղթերը և այլ պարագաները զննել բացառապես անհետաձգելի դեպքերում:

ԾԱՆՈԹՈՒԹՅՈՒՆ՝

« **ընտրական օրենսգրքի 31-րդ հոդվածի 8-րդ կետի համաձայն. «Լրատվական գործունեություն իրականացնող իրավաբանական անձի կամ անհատ ձեռնարկատեր հանդիսացող ֆիզիկական անձի ներկայացուցիչները (այսուհետ՝ զանգվածային լրատվության միջոցի ներկայացուցիչներ) քվեարկության օրը կարող են իրականացնել ընտրությունների և քվեարկության վերաբերյալ լուսաբանում կենտրոնական ընտրական հանձնաժողովում հավատարմագրվելուց հետո:»**

« **քրեական օրենսգրքի 210-րդ հոդվածը պատասխանատվություն է նախատեսում, ի թիվս այլնի, զանգվածային լրատվության միջոցի ներկայացուցչի իրավունքների և պարտականությունների իրականացմանը խոչընդոտելու համար:**

Վերը նշված հոդվածների համադրված վերլուծությունը վկայում է, որ արարքը պետք է որակել « **քրեական օրենսգրքի 210-րդ հոդվածով՝ որպես զանգվածային լրատվության միջոցի ներկայացուցչի լիազորությունների իրականացմանը խոչընդոտել, միայն այն դեպքում, երբ խոչընդոտվել է « **կենտրոնական ընտրական հանձնաժողովում հավատարմագրված, ընտրության և քվեարկության ընթացքը լուսաբանող ԶԼՄ-ի ներկայացուցչի լիազորությունների իրականացմանը: Մնացած դեպքերում, եթե ԶԼՄ-ի ներկայացուցիչը, թեև լուսաբանում է ընտրական գործընթաց, սակայն հավատարմագրված չէ « **կենտրոնական ընտրական հանձնաժողովում (այս դեպքում քվեարկության գործընթացը չի կարող լուսաբանել, քանի որ առանց « **կենտրոնական ընտրական հանձնաժողովի կողմից տրված վկայականի չի կարող մուտք գործել տեղամասային կենտրոն), ապա նրա լիազորությունների իրականացմանը խոչընդոտելուն ուղղված գործողությունները պետք է դիտարկել « **քրեական օրենսգրքի 237-րդ հոդվածի համատեքստում, որպես լրագրողի մասնագիտական օրինական գործունեությանը խոչընդոտելը:**********

Ուստի նմանատիպ փաստական հանգամանքներով քրեական վարույթ նախաձեռնելու հարցը լուծելիս անհրաժեշտ է պարզել ԶԼՄ-ի ներկայացուցչի՝ « **կենտրոնական ընտրական հանձնաժողովում հավատարմագրված լինելու հանգամանքը:**

ՀՀ գլխավոր դատախազի 2023 թվականի
օգոստոսի «22»-ի N 70-Լ հրամանի

ՑԱՆԿ

Երևան քաղաքի վարչական շրջանները սպասարկող դատախազների

1. Արսեն Վարդանյան – Կենտրոն և Նորք-Մարաշ,
2. Շիրակ Խաչատրյան – Արաբկիր և Քանաքեռ-Զեյթուն, Աջափնյակ և Դավթաշեն,
3. Իգոր Ալավերդյան – Մալաթիա-Սեբաստիա, Ավան և Նոր-Նորք,
3. Արմեն Սապոնջյան – Շենգավիթ, Էրեբունի և Նուբարաշեն

ՀՀ գլխավոր դատախազի 2023 թվականի
օգոստոսի «22»-ի N 90-Ն հրամանի

ՏԵՂԵԿԱՆՔ

Առերևույթ ընտրական իրավախախտումների վերաբերյալ հաղորդումների ընթացքի մասին

Հ/Հ	Հրապարակման, հաղորդման կամ ահագանգի բովանդակությունը	Աղբյուրը	Գործողությունը	Ընթացքը